



Chistiona su Sardu!

Letzione N.16

Sos frastimos

Maistra: Non podiant mancare esèmpios de frastimos chi sunt frecuentes in su chistionare normale de onni die ca non semper totu andat bene.

Lughia: Sa màniga in s'intrada!? As bortuladu sa broca antiga? O l'as segada? Ohi Sant'Antoni meu!

Micheli: No l'isco.

Lughia: Pranghet tue... Torra a inoghe, torra! Si m'as segadu sa broca ti callento sas nàdigas bene bene! Su diàulu chi t'at fatu!

Lio: Ma mama, ti l'amus naradu bortas meda chi cussu non fiat su logu de pònnere cussa broca!

Lughia: Callia-ti a sa muda tue puru, mi'! Ohi sa broca mia bella! Gesucristu meu!

Lio: Isetamus carchi segundu e dae sas boghes cumprendimus si sa broca est segada...

Lughia: Maladitu sias Micheli! Oh ite dannu mannu!

Lio: Su gabinete est un'avolotu...

Lughia: Ohi.. sos frores mios bellos!

Lio: Sa broca est sarva!

Marisa: E Micheli puru!

Lughia: Micheli, in ue ses? Non ti cues, tanto est peus! Beni a assentare su gabinete si nono abarras cravadu in domo pro tres dies! E torra gràtzias a sa bona sorte tua!

Lio: Li est andata bene!